



PEKELILING PENTADBIRAN
BILANGAN 59 TAHUN 2020

**PENANGGUHAN PROGRAM/AKTIVITI SECARA
BERSEMUKA/FIZIKAL
DI UNIVERSITI TEKNIKAL MALAYSIA MELAKA**

Pejabat Pendaftar
12 Oktober 2020 | 24 Safar 1442H

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri dan Masyarakat)
Penolong Naib Canselor (Pembangunan dan Pengurusan Fasilitas)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/1(17)

12 OKTOBER 2020
24 SAFAR 1442H

PEKELILING PENTADBIRAN BIL. 59/2020 **PENANGGUHAN PROGRAM/AKTIVITI SECARA BERSEMUKA/FIZIKAL DI UNIVERSITI TEKNIKAL MALAYSIA MELAKA**

1.0 TUJUAN

Pekeliling ini dikeluarkan bertujuan untuk memaklumkan kepada semua warga Universiti berkenaan Penangguhan Program/Aktiviti Secara Bersemuka/Fizikal Di Universiti Teknikal Malaysia Melaka (UTeM).

2.0 PELAKSANAAN DI UTeM

- 2.1 Penularan peningkatan kes positif COVID-19 secara mendadak kebelakangan ini telah menjadi kerisauan semua pihak. Rentetan daripada itu, Kementerian Pengajian Tinggi (KPT) telah mengeluarkan Kenyataan Media pada 2 Oktober 2020 mengenai Penangguhan Pendaftaran Secara Bersemuka/Fizikal Pelajar IPT Kemasukan Oktober 2020.
- 2.2 Selaras dengan itu, turut dinyatakan berhubung penangguhan semua penganjuran program/aktiviti secara bersemuka/fizikal yang melibatkan himpunan dalam kampus.
- 2.3 Majlis Eksekutif pada 7 Oktober 2020 telah memutuskan bahawa semua program/aktiviti di Universiti Teknikal Malaysia Melaka **adalah DITANGGUHKAN bermula 19 Oktober 2020 sehingga ke satu tarikh yang dimaklumkan kelak.**
- 2.4 Penangguhan pelaksanaan ini merangkumi penganjuran seperti berikut:
 - a. Bengkel/kursus/seminar/aktiviti/program anjuran dalaman dan luaran;
 - b. Majlis Rasmi Universiti;
 - c. Lawatan kerja ke atau dari mana-mana agensi luar;
 - d. Aktiviti sukan dan riadah secara berkumpulan; dan

- e. Lain-lain program/aktiviti yang melibatkan perhimpunan.
- 2.5 Semua program/aktiviti di perkara 2.4 digalakkan secara dalam talian jika dibenarkan dan berkeperluan.
- 2.6 Semua Mesyuarat Utama Universiti/PTJ digalakkan secara dalam talian. Jika berkeperluan, hendaklah dilaksanakan secara bersemuka/fizikal dan mematuhi SOP yang berkuat kuasa.
- 2.7 Solat berjemaah dibenarkan dengan mematuhi SOP yang berkuat kuasa. Lain-lain aktiviti keagamaan seperti kuliah agama adalah ditangguhkan.
- 2.8 Aktiviti pembinaan/penyelenggaraan/pembekalan/perkhidmatan adalah beroperasi seperti biasa dengan mematuhi SOP yang berkuat kuasa.
- 2.9 Pemakluman ini adalah tertakluk kepada arahan dari semasa ke semasa daripada pihak Universiti.

3.0 PENGECUALIAN

- 3.1 Walau bagaimanapun pengecualian diberikan kepada pengajuan program/aktiviti dengan kawalan dan pematuhan SOP yang lebih ketat seperti di bawah:-
 - a. Jemputan kepada tetamu/peserta luar terutamanya telah dikeluarkan. Tetamu/peserta luar telah menyatakan persetujuan untuk hadir;
 - b. Pembayaran kepada pembekal/konsultan/penceramah sedang atau telah diproses;
 - c. Tempahan bilik atau lain-lain kemudahan telah dibuat di mana jika ianya dibatalkan akan dikenakan denda atau penalti; dan
 - d. Mana-mana program atau aktiviti utama yang telah dirancang di peringkat Universiti mahupun Pusat Tanggungjawab di mana sekiranya ditangguhkan akan memberi impak terhadap hala tuju Universiti.

Kelulusan untuk meneruskan program/aktiviti ini hendaklah diperolehi daripada Naib Canselor melalui Jawatankuasa Krisis UTeM.

3.2 Sebarang pertanyaan berkaitan boleh berhubung terus di talian 06 2702890.

4.0 TARIKH DIKELUARKAN

Pekeliling ini dikeluarkan pada 12 Oktober 2020.

5.0 TARIKH KUAT KUASA

Pekeliling ini berkuat kuasa mulai **19 Oktober 2020**.

6.0 PEMAKAIAN

Pekeliling ini adalah terpakai kepada seluruh warga UTeM dan untuk edaran dalaman sahaja.

6.1 Warga Universiti adalah diingatkan supaya patuh kepada 3C seperti disarankan oleh Kementerian Kesihatan Malaysia (KKM):-

- elakkan kawasan yang sesak (*crowded places*);
- elakkan kawasan yang sempit (*confined space*); dan
- elak sembang atau bertutur dengan jarak yang dekat (*closed conversation*).

6.2 Amalkan juga 3W iaitu:-

- kerap mencuci tangan dengan air dan sabun (*wash*);
- sangat digalakkan memakai *face mask* di tempat awam atau jika bergejala (*wear*); dan
- (*warn*) iaitu amaran dari KKM yang lebih berkonsep peringatan seperti elak bersalaman/ bersentuhan, amalkan etika batuk dan bersin, lakukan aktiviti disinfeksi, duduk di rumah dan hanya keluar sekiranya ada urusan penting sahaja serta dapatkan rawatan segera jika bergejala.

6.3 Pihak UTeM akan terus memantau perkembangan wabak COVID-19 dan menyalurkan maklumat terkini dari semasa ke semasa. Warga UTeM diingatkan agar mendapatkan berita yang sahih mengenai wabak ini.

Sekian, terima kasih.

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka

sya/azrinakrisis/snd/bgpo